

五修前言

二零二零年八月

国有史，地有志，族有谱，这是中华民族历史文化大厦的三大支柱。史与志涉及面广，族谱则局限于本族本宗。它是以血缘世系为脉络，从始祖先祖起，经过几代、几十代乃至上百代的繁衍迁徙，连续不断的历史记录。因此，族谱具有血缘亲缘关系浓、文化积累厚、时间跨度长、地域跨度大等特点。对这重探水之源，木之本，人之祖的研究，又是史与志所不及的。人不可忘天，人不可忘祖，尊祖敬宗，事非迷信，追本溯源，人所同情，盛世修谱。今天，适逢国泰民安的盛世，正是编修族谱家谱的大好时机，这对于继承中华民族爱国主义精神、增强民族凝聚力、弘扬传统美德都是十分有益的。

重视编修族谱家谱是中国特有的文化现象和优良传统是中华文明连续性的重要标志之一，各地现存浩如烟海的族谱家谱是历代先人留存于世的一项珍贵历史文化遗产，对于研究我国文明起源、社会形成演进、民族融合以及历代政治、经济、文化等的发展和变革都有重要的价值。

公元1984年，国家档案局、教育部、文化部联合发出的关于编写《中国家谱综合目录》的通知中指出，对这宗宝贵文化遗产应认真发掘利用。2000年夏天，中国社会科学院历史研究所担当起组织编写中国史学会重点项目《中华姓氏谱》一百部的任务，北京、上海、海南、江西等省市也竞相发掘利用民间蕴丰富的族谱资源，相继推出一批适应时代要求的《族谱业书》或《姓氏通书》，受到社会各界的欢迎。正如中国社会科学院历史研究所在《中华姓氏谱·编写说明》中指出的，这项工程不仅对于中华姓氏学的学科建设有着重大的理论价值与学术价值，而且对于继承发扬中华民族爱国主义光荣传统和美德、增强民族凝聚力、推动社会主义精神文明建设、发展更广泛的爱国统一战线乃至对促进祖国统一大业的早日实现都有着重要的现实意义。

经过公元1967-1977文化政治洗礼，部份族谱丢失，今天我们重新修订族谱是很有必要的。

承圣敬草

二零二零年八月四日

四次续修 序

繇县治出郊及五里而杨家街，东来紫气，畢萃於斯，则杨氏宗祠，在焉，其先自江右南安来浏迄今数百载。环祠而居，暨分居异地者，类能各安生业，含其抱素乏荡检踰闲之行，即其女子子于归者，胥宅心慈善，宜室宜家，老而式於里鄙族婣间咸焯焯有矩范，而夫夫子更可知矣。（庆元）居同里旧姻新特幾如刘范，故能见之灼言之确，非阿其所好也，直道而行已，耳遇岁授徒乡陬危机幸避然，与里中姻好不获昕夕相见者比比。一日杨君德祥过访，以四修族谱序相属余，询主笔伊谁则前序所称有吾先生者也，先生在善堂以有益於人为宗旨，当其任宣讲科时舌敝唇焦，罔敢或懈听者多，革面洗心耻於非为其获益非浅渺矣，兹又本其益於一邑者，退而益诸一家一族伟矣哉。其有此举也，余惟圆顶方趾之民，天既异以阴阳五行之理又生万物以养之，无人不当敬天，亦无人不当法天以养民法天之学，更仆难终约其旨，以申告之，亦惟有益於人而已矣。人而无益於人不惟印累累绶若若者，貽尸位素餐

之咎，即严居家食，谁非素餐，此先儒之名论。有心人闻而乐诵之也，曷以故盖天既畀我德慧，我当出德慧以益人，时惧怀宝迷邦诒讥权幸斯之为智。天或以富贵福泽厚吾生，我当哀多益寡以济人深耻膜外概置弗通疴痒斯之谓仁先生宏宣教化不甘缄默，今又敬宗收族，与族内世昌世庄德焜诸君戮力一心，从事谱牒，其亦有见及此而欲广其益於奕叶歟，吾知保世滋大流泽孔长未可以道里计也，爰拜手稽首而为之序。

中华民国二十九年夏正庚辰岁 月浣 谷旦

明吾张庆元顿首拜记

原序

天下之事固有不期然而然者非人力之所可致也，若夫制作之文所以彰往考来则必其人之才之美沉毅果断者，而后可以创始可以垂法将来矣，是之谓不朽。我族谱牒创於清乾隆初年其时有若。修常公之崛起仅集缮草稿手定格式而已自时厥后有若。春宇公安澜公之贤明复欲续修仰承先志而亦未意成功迨至我。先大夫光泗公始受父命集族捐金溯自江右得其源流以归又有。先叔父光炳公为之创立家规而修饰之复经。先大夫编次而纂辑之，然后谱牒之修告厥成功。由是观之谱岂易言也哉予生也晚幸蒙先君之除宠得耳闻而面命之矣，先君尝谓予曰我族子孙类多耕作自力，而乏诗书者独我房。璵公之后其后衰者也其将由汝兄振之乎，汝兄经术既明吾无忧矣，独汝则须以族事为务尤须依照谱例三十年而一修之，是汝虽不显达亦可以无愧所生矣，汝其默识之幸毋违，呜呼先君之言如是，予岂敢一日而忘之哉，先兄服官闽海既已显亲杨名矣，然犹孜孜焉以修谱为念，故於庚戌之岁邮书先族正文春公而督修

之与亦与焉是为三修之谱也，迄今已三十载矣，谱法三十年而一修以其时则可矣。是此次谱牒之修正及其时而予何幸得再与於斯举耶岂其所谓不期然而然之者歟殆亦祖宗之灵有以默相之者歟吾何力之有焉，至於谱律所载凡例所详明者，与今谱牒不合非敢僭易之也第以今古异制不得不因时适宜，未可强以合之，故依朱考亭大书特书之例而著之曰抚曰羲以识别之并商诸同事作例言以重申之将今后之人知今届谱牒之修与前届所载之例未始有所矛盾也后之继起者知我罪我其惟斯谱乎，予故不揣譾陋而并序之，序成用以质诸世庄德祥及同事者僉曰可哉然后付之剞劂焉

十八代孙世兴 敬撰

民国二十九年夏历庚辰岁孟秋月 谷旦

旧序

乾隆四十二年

万物之生皆从其本，人为万物灵可不知其本。乎人有身本之父母，父母本之祖宗，祖宗亦必有所自出胡可不知，不肖自髫年时常问及宗支，吾祖教而诲之曰：吾族本浏阳一土著也。其始不知所从来曾考旧志出自杼公封侯爵於杨州遂以杨为氏递相流传后有震公子孙蕃衍布天下由汉而晋由晋而唐由唐而宋代多显名杰士指不胜屈。迨元末伯周公崛起豫章南安授潭州令有善政被谗致仕归田道经浏阳见其山川秀迥遂与弟伯川及子琼隐姓氏卜居大围堡焉及明一统爰居爰处以复其姓后伯川生子二璇公玠公我瓊公公徙居豪夹湖既今杨家弄璇徙居本邑横山玠徙居本邑城内由微而著不乏伟人诎康熙十五年吴逆凶残肆其荼毒将祖遗族谱及宗祠祖屋概行烬幸族中老成人存留万历年间草稿吾父幼时从而求之珍重无遗不肖承其家训每岁时伏腊灯前月下围炉视善之顷辄耳提而面命之自是言之淳听之熟遂若勒心版焉几思笔之於书以垂不朽奈时与心

违荏苒韶华不觉年已八旬矣先订立草稿若干本画成式样散交各房户嘱嗣后本宗随时登录异日便付梨枣此意竟成画饼而中道废焉今秋中元序届弟斐章等因在共行尝祭礼诣祖宗牌位前昭穆多繁复求之各家高年之口传父老之遗书乃敢依次序环列仿欧苏体式草成一帙非敢云谱亦聊以示后起者知水源木本之为光大云是为序

嗣孙清瑛谨撰

民国二十九年庚辰岁孟秋月 重刊

旧序 同治三年

国家编史而外郡邑有志世族有谱皆史之义也谱顾可不重与然志为一郡之公物犹若可缓谱则一族之扼要更宜先图浏邑杨生耀成丰圃明锋等慨然有联家谱之修诚先人之孝子后人之贤宗也矧兹源流悉备世系不无残缺不有此举将何以继往开来俾数与之不忘哉余躬膺简命莅任斯土开此盛轨心焉喜之而又重诸生之请遂不辞鞅掌乐援笔以弁於首余考杨之得姓受氏实自周康王六年戊申大叔虞之子杼食采杨州锡侯爵遂以邑为氏历二十二传周威烈王六年辛酉被强晋所灭难中仅逃第十三子名盼同母公孙氏二人投晋贤大夫荐归周安王五年甲申念其先人功动仍封杨州以侯爵祀其先祖递相流传若汉之震公晋之国公唐之继公宋之耸公时公皆其一脉渊源也而浏之杨氏实耸公之苗裔其后叠由仕宦而分徙异地迨杨君伯周携其弟与子由吴之南安徙楚之浏阳其历世继续簪缨亦不乏

人此韩子所云根之茂者其实遂膏之沃者其光晔将来文人蔚起丕振先声不惟於
谱牒昭其繁衍行见乡贤名宦郡志邑乘将有书不胜书者是有序欽加清军府直隶
州正堂代理浏阳县正堂加十级记录十次陈延泽氏

民国二十九年庚辰岁孟秋月 重刊

旧序

同治三年

予尝适东乡道经邑东郭外之杨家弄水环如带山列如屏其田平而沃其林木蔚而秀其人物则及外朴而内慧讲让而型仁过从之餘读书织耕之声遥相闻也予嗟异久之询知为宏农华胄厥姓杨氏於吾浏称望族焉岁壬戌其族有光泗者从予游气宇端凝深为器重阅甲子杨氏修家谱光泗奉命董其事谱即竣问序於予予曰谱不易修序亦不易作吾观今之修谱者类多乞显者言以为重否则嫁名以相夸耀予穷年老诸生无能为役强而为之不且重为而族羞乎光泗对曰先生之论固然顾吾族举事大都尚质而不尚文兹序之重有求於先生也矧先生於吾家为世谊闻见详确笔之於文必更有亲切言之足以信今而传后奚辞为予喟然曰噫哉吾子尚质之论也予今不得不为是序矣夫天下事莫备於文即莫真於质故文则先尽而质可长存杨氏自杼公以来於汉则四世三公於明则三杨入阁功业名望震铄古今然而肖白是传严正是守则固隐然一尚质之家法也他如文简以清德著龟山以理学传椒山

升菴以气节文章显亦莫非本於质以成之杨氏世承旧绪由江右来徙吾浏历数百年中更多难迄今瓜绵椒衍继继绳绳读书力田各敦本业是

亦尚质之留贻者达也将来世德发祥俾昌炽於以绍四世之休追三杨之业承文简之清德守龟山之理学法椒山升菴之气节文章称之弥厚流之弥光质之至不即为文之至耶至於兹谱之作明世系叙宗支辨昭穆示尊亲原原本本殫见洽闻绰有欧苏家法凡所纪载莫不屏其浮华概从实录则又有为其质而不从徒以文见者予即不文而体尚质之意以杼近质之词 几其有合乎因援笔书之以授光泗并以质其族人是为序

邑庠优廪生鹦秋邵云达 顿首谨撰
民国二十九年庚辰岁孟秋月 重刊

旧序

同治三年

我族故籍江右明初始迁浏谱牒相传历称甲族 国朝康熙十五年擢吴逆之
变死徙相继谱遭兵燹仅存一脉乾隆四年修 常公崛起伤心坠绪有志续修借云
章 斐章二公纠族聚议捐金置产为修谱计并为建祠计也旋集草稿手定格式嘱
各房照式开载每岁 送校阅订讹补阙公之力居多泊四十二年特书正草谱若干
本便付梨枣詎四十六年 公归道山修谱之举未获集事自时厥后有若 春宇公
安澜公者复欲续修仰承先志而一若於金之不足一苦於水之为灾事与心违徒呼
谱之悬而未重修者迄今又数十年矣夫族之有谱与国史同国无史无以传后世族
无谱何以示后人况吾族之谱经兵燹之余仅存一线殫 修常公诸人之力而未获
成功安知吾祖若宗冥亡中不迟之又久而有待於今日耶爰集族人黽勉从事不敢
告劳经始於癸亥之冬告成於甲子之春修理灿著体式详明虽不敢以继述自衿而

所以上慰祖宗下示子孙者胥在是矣至修祠之举姑俟异日是为序

嗣孙

尚贵 尚寿 尚庄 尚乾

文珍 文享 文储 文润 文彬等

谨撰

民国二十九年庚辰岁孟秋月重刊

旧序 同治三年

予不敏谨奉父命而重修族谱也心喜之而窃疑焉慨我族众人繁若陶家洞白沙洲及祖居上下屋场居星散难收集各自为谱者甚 受命之日欣往各房户示以合修意签谓盛轨输金不足无何寝之归告於父父纡筹金法义激各房户之素封者幸而具有天良悉踊跃以草稿委任於父父因事鞅掌转任予予本拟馆邑垣欲卻之於生事已不堪回首爱不辞固鄙不就馆将各房户之亲为草定者 成一书校阅类多豕鱼复至各家而稽查之就其中可详者详之略者略之非敢冯臆见而妄为也画成谱式不惮跋涉之劳至江右付诸剗剗落成净手焚香敬视於昭穆世系颇谓无紊殊於祖宗名讳字子孙多有干犯者良由速成无分任手辑鲜暇谅祖宗於冥冥中其默谅之是所望於后嗣之贤能者而更正焉是为序

十七代孙光泗 薰沐敬撰

民国二十九年庚辰岁孟秋月 重刊

春先祀合修族譜公序

同治三年

古人云人道亲亲也亲亲故尊祖亲祖故敬宗敬宗故收族則欲盡人道者其於族不容不收矣而收族之大孰有過於譜之修哉故昔唐太宗詔修天下譜牒使各知親睦之義程子嘗言使人不忘其本須明譜牒歐蘇創造固法由家以及天下皆從而效之是皆以譜牒為所宜亟修也今圣天子以仁孝治天下凡山陬海隅皆知明倫睦族修祠立譜恪遵皇仁雅化而居儕於光大化日之下敢不遵圣化而盡人道哉我族始祖伯周當元末明初間携其弟伯川子琮迂洊卜居大圍堡后伯川生子二璇与玗徙居各處后裔繁衍詩書發榮前有譜牒已詳第

國朝伯川之后人心不一另自為譜茲特我伯周祖一脉之裔合志重修付之剞劂經始於癸亥之仲冬告成於甲子之季春噫嘻念世道之遷變懼云之散軼重紀祖宗之名諱幸免遺忘續錄子孫之親疏頗無挂漏族於是乎收宗於是乎敬祖於是

乎尊亲於是乎亲人道盖於是乎尽矣是为序

杨氏荣公亮公二祖后裔公誌
民国二十九年庚辰岁孟秋月 重刊

旧序

宣统二年

发洗药桥之东距县城七八里有洲焉地势平衍弥望无际右则河水环之其中冈峦凹凸衡宇参差美拓肥桑交荫左右望之蔚然而深秀者杨家弄也邑大姓杨氏自江右南安来居此数百年矣子孙蕃衍不下千余人类皆读书力田不求闻达逐来经术湛深之士接踵而起声誉隆隆方之高邨王姓吴中惠姓殆蔑以加今则登仕版者又有人矣论者逐指所居为吉地谓山水灵秀钟毓必殊杨氏肇兴实基於此是说也余未之信窃谓家道之兴何关风水今之日长炎炎者必其先人忠厚所貽故能光大门闾传之达而弗替岂地气使之然哉岁丙申杨先生杏亭僦居舍左相处最久余敬其为人尚未悉其先世隐德也今岁其族中修谱杨君有吾出乃兄鼎垣手书嘱为之序余以其家门鼎盛意先代必有隐君子因细询之有吾历历为余言始知先泽之达貽谋之善可法可传者代有其人余问之益信彼形家浅见求诸末而不探其本乌知获福有由固在此不在彼哉吾於是益知杨氏之必大也造物之降祥也恒视其善量之涉深以相区别其人无大功德或一焉而无余至於仁义忠信推之世世而皆然则

培植者深天亦黯相其家不惜举繁社而钟之一一姓及身纵无徵应犀之又久必有
伟人出焉恢其业以太显於时验之古今百不失一杨氏自国初以来世济其美至于
今二百余年积累厚矣今兹所见特偶为之兆以此始不以此终也天庥兹至其在斯
乎其在斯乎是为序

邑庠生黎宗铄谨撰国学生饶景昕拜书

民国二十九年岁次庚辰孟秋月 重刊

旧序

宣统二年

闻之前事者后事之师我族自同治甲子春修纂家乘有若光泗之贤明为之贤明为之主修而握其要由偁先君之公正廉直为之督监而董其成协力同心成功较速於时先君为族正兼总理祠祀谱竣而后尽心经纪更定章程春禴冬丞彝伦修叙声明文物焕然一新使合族之人咸知溯所从来无数典或忘之弊由是亲其亲长其长皆得有以庇本根重人伦讲礼义昭雍睦清白堂上矩步绳趋历数十年无敢逾越者其道有自来矣迄今已四十有七年族 屡议续修往往有志未逮前年丁未族中人士奉祖命举予继为族正予且惭且惧让再让三至不获命始就越明至冬至祀庶祖之期族人咸集会商悉以先君与光泗所任修谱之事举而责之余与光泗季子世与二人任之余以数过时可虽自知才学不逮然迫於义无容辞且思前届家乘系先君与光泗合力所成今不任之他人而独任之予与世与者殆亦祖宗灵爽确知予二人有所遵循故特须之时日以待余二人之为耶是不欲使前事者之心血满灭於代

、
远年湮也爱传集族刻日稿以靳成功凡模式规规例一遵先人矩矱但将支派接
续分明类序而纂辑之付之剞劂经始於已酉季冬告成於庚戌仲冬非敢谓继志述
事也所幸旧章率由前模勿替聊以尽后事者之责云尔因述鄙意以告后周之贤能
者所望后人视今亦犹今之师昔则幸甚幸甚

十六代孙文春 薰沐敬撰

民国二十九年庚辰岁孟秋月 重刊

旧跋 同治三年

予一日缅怀先君遗囑曰吾生族谱未续修是一郑重事死将不瞑目尔其继吾志而恪行之恍惚间言犹在耳同治元年壬戌清明序届与族众共行祭礼是日也少长咸集列坐其次喜生齿之其繁惧世道之变欲介修族谱仰承先志乃与一二同心者草定章程每年男丁征钱二百女丁一百而勿徵其代数之钱各将草稿缮齐统限三年举事预为筹画颇闻退惧同治二年癸亥清明序又届复与同心者商惟祀

祖扫墓不设筵省资以补不足徵男丁钱二百余不徵众乐从至冬追集草稿进局完缮越同治三年甲子春付梓落成于戏是举也祖宗默佑而成耶抑吾族等踊跃而成耶谨承先君遗命而恪行之吾何力之朋焉

旧跋 宣统二年

我族谱牒前修成于族曾祖 庄公与先大夫泗公距今四十余年矣庚戌季春族正 春公议续修于是夙夜经营果八阅月而藏事世兴与焉族论咸以继述归之在 春公则固其所兴于 先大夫无能为役何敢焉 穷为谱牒在今世尤为当务之急盍宗法既亡礼教日衰当见巨姓大族子孙繁衍莫知纪极且智愚贤不肖万难强齐其中安保不无越思前者匪乱我族幸无一人则谱牒之修然后知 先人之意至深且远也兹幸续修告成某子某孙房序秩然上念 祖宗则追远之心油然而生下雇子孙则防微之意惕然以起且循是而父诏兄勉将为善思贻父母令名必果将不善思贻父母羞辱必不果兴亦犹 二公之志亟望来哲之有以继之者是役也 春公主修 石公收支 兴赞襄缮稿焉校双之役则德炜德焜也

景公后裔世兴 敬跋

民国二十九年岁次庚辰孟秋月 重刊

旧跋

在社会办事无论国族祇要上下一心一德耐劳苦干任何难事没有不容易做到的过去民国二十六年冬至那一天我族举行祭祀次日族正世昌兄召开谈话会提议四修族谱这个议意大家觉的很重要不但一致副议而且都热心拥护同时公举世昌为主修世兴为纂修世庄德焜德祥为编修这时候世庄就自民国七年先父光振公接任春生祀经理至十七年逝世又承族众继委世庄到现在二十年了在那二十年当中收入除添置产业及每年祭费等开支外今剩存洋四百元之普造具清册检同契约簿据钱钞向众申请辞卸由族众以抽法选举世合兄为新经理当即举行遗交新经理接任二十七年五月编修等奉命先往桃花洞次第各房棠造草稿至七月中棠造完毕议即开局忽七七卢沟桥事变战事紧张故将谱事停顿至二十九年三月主修召集同事将草稿更正聘请谱师杨箸庆择五月二十五日设局开刷至七月初完成此次修谱因祖宗成功可见是我族有兴盛发展之兆兹因谱牒告成敬书其事以为纪念耳

十八代孙世庄敬跋

民国二十九年岁次庚辰孟秋月 谷旦

旧跋

夫谱者所以纪人物志沿革也 惟敬宗收族而已哉穷难我族谱牒之修于今为四次矣考之以时徵之于数均为适可恶夫疑乎况值国家多故兴夫军商仕幕转徙流离者尤难预知也是谱之修不容稍缓谁不谓然援于丁丑仲冬祇行丞祭礼华建议四修并经公举族正世昌叔为主修副族世兴叔为纂修庄叔德祥为编修兼校阅而焜则负责编修共襄谱事而已井井然若罔之有条而不紊焉次年夏五焜与庄叔德祥分赴各房缮集草稿已来而中更局之震动以故停显年余延至今岁夏五乃复申前议加紧急修以五月二十五日进局几阅月余而谱功告成是投也上荷祖宗之灵下赖诸公之力有以致之也若焜者时以馆事相牵犹得再兴于斯文亦云幸矣

文景公后裔德焜 敬跋

民国二十九年岁次庚辰孟秋月 谷旦